



Sesida dals

Communitgà ils

Protocol nr.

4 d'avust 2020

7 d'avust 2020

630

Dumonda Michael (Castasegna)

concernent il stadi da realisaziun e dal funcziunament da las regiuns en il chantun
Grischun

Resposta da la Regenza

Dapi il 1. da schaner 2016 lavuran las indesch regiuns en moda operativa. Cun la creaziun da las regiuns (refurma dal territori) han ins vulì stgaffir regiuns ch'èn ablas da decider e d'agir e che pon uschia ademplir lur incumbensas en moda effizienta, svelta sco er favuraivla a las burgaisas ed als burgais.

En il rom dal Rapport davart las structurass communalas (missiva carnet nr. 8 / 2018 – 2019, p. 703 s.) è la Regenza s'exprimida davart la realisaziun da la refurma dal territori. Tenor sia valitaziun è quella vegnida exequida cun success. A chaschun da la debatta en la sessiun da december 2018 hai bain dà in pèr paucas remartgas davart la refurma dal territori, dentant naginas che avessan laschar concluder che las novas regiuns na funcziunian betg u ch'ellas funcziunian en moda suboptimala.

Er en la debatta davart la revisiun totala da la Lescha chantunala da vischnancas (LV; DG 175.050) durant la sessiun d'october 2017 n'hai dà naginas infurmaziuns correspundentas ni en la debatta d'entrada ni en la debatta detagliada. Davart ils artitgels relevants 92 ss. LV n'hai insumma betg dà discussiuns.

Durant ses onn presidial 2017 ha l'anteriura scheffa dal Departament da finanzas e vischnancas (DFV) visità tut las indesch regiuns. Ils 19 da december 2017 (prot. nr. 1090) ha ella rapportà formalmain davart questa activitad ed ha constatà che la refurma dal territori possia vegnir designada sco realisada cun success. Las regiuns funcziunian senza difficultads.

Tar la dumonda 1: La Regenza giuditgescha quest process da realisaziun sco reussì e terminà. En mintga cas n'ha ella naginas infurmaziuns concretas che l'introducziun e la realisaziun da la refurma dal territori fissan sa svilupadas en moda critica.

Tar la dumonda 2: L'impressiun da la visita en tut las indesch regions l'onn 2017 è stada quella che las regions funcziunan irreproschablamain. En spezial è sa cumprova da la furma da la Conferenza da las presidentas e dals presidents (CP), perquai ch'ils presidis da las vischnancas han las cumpetenzas da prender svelt decisiuns e da represchentar quellas er envers lur votantas e votants communal che ston savens surpigliar las consequenzas finanzialas da las decisiuns. Qua e là è vegnida discutada en moda cuntraversa la gronda chargia da lavur da las presidentas e dals presidents. Quella è dentant resultada cunzunt durant la fasa da realisaziun. La validaziun da las vuschs entaifer la CP saja sa mussada sco solida ed adattada per l'avegnir.

Pervia da la pandemia dal coronavirus n'ha il president actual da la Regenza deplorablamain betg pudì far la visita planisada durant l'onn current. Ella vegn prendida suenter pli tard. Cun duas regions ha gì lieu in barat. Reacziuns negativas n'hai betg dà en questas duas regions.

Tar la dumonda 3: En ses rapport ed en sia missiva tar la refurma da vischnancas e dal territori (missiva carnet nr. 8 / 2010 – 2011) ha la Regenza proponì da crear tschintg fin otg regions, quai che n'ha la finala betg chattà ina majoritad politica. Oz constatescha la Regenza cun satisfacziun che quest dumber da regions chatta dapli acceptanza. Tschintg fin otg regions reducissan la lavur da coordinaziun (p.ex. en la Val dal Rain grischuna) u rinforzassan la lingua taliana, sche la regiun Bernina fusiunass cun la regiun Malögia. La Regenza è sa chapescha averta per ina discussiun seriusa davart la reducziun dal dumber da regions. Ella è dentant da l'avis che l'impuls correspundent stoppia vegnir ubain da las regions sezzas ubain dal Cussegl grond.

Tar la dumonda 4: Na.

Tar la dumonda 5: Na.



En num da la Regenza

Il president:

Dr. Chr. Rathgeb

Il cancellier:

Daniel Spadin